



საქართველოს შინაგან საქმეთა სამინისტრო

სატენდერო დოკუმენტაცია

ავტომობილებისა და მათთან დაკავშირებული მოწყობილობების
შეკეთების და ტექნიკური მომსახურების სახელმწიფო შესყიდვის შესახებ
ელექტრონული ტენდერის სატენდერო დოკუმენტაცია.

CPV-50100000

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვების პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის №9 ბრძანების შესაბამისად.

1.2 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.3 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.4 პრეტენდენტს არა აქვს უფლება წარმოადგინოს ალტერნატიული წინადადება.

სატენდერო დოკუმენტაციის შესახებ დამატებითი ინფორმაციის და განმარტებებისათვის მიმართეთ სატენდერო კომისიის აპარატს: ირაკლი მგალობლიშვილი ტელ: 577 39-39-02; ტექნიკური კითხვებისათვის დაუკავშირდით ირაკლი ყობიაშვილი ტელ: 599 68-34-90; მის: ქ. თბილისი, გ. გულუას ქუჩა №8.

2. ტექნიკური დოკუმენტაცია:

2.1 შესყიდვის ობიექტის ტექნიკური დავალება:

ავტოტექნომოსახურება (სერვისი - სათადარიგო ნაწილებით)

N	ავტოსატრანსპორტო საშუალებების დასახელება	პრეისკურანტის ზღვრული ერთეულისა და მომსახურების ფასი (ლარი)	მომსახურების გაწევის ადგილი
1	აუდი ა-6 3.0 დიზელი 2004	117,545.50	ქ. თბილისი, აჭარის და იმერეთის რეგიონები მიმწოდებლის სერვის-ცენტრები
2	აუდი ოლროუდი 3.2 ბენზინი 2009	129,302.90	
3	აუდი ე-7 3.0 დიზელი 2006 წ	242,447.20	
4	მერსედესი ML 3.5 BENZINI 2003	92,229.50	
5	BMW 3 სერია 1995-1998 2.0-2.3	37,039.50	
6	BMW 5 სერია 2003-2004 3.0 ბენზინი	38,979.00	
7	BMW X5 დიზელი 3.0	73,414.00	
8	BMW X5 4.4 ბენზინი	84,379.00	
9	BMW 3 სერია 2007 2.5 ბენზინი	40,395.50	
10	BMW 5 სერია 1995 2.0 ბენზინი	33,464.60	
11	BMW 5 სერია 2000-2001 3.0 ბენზინი	34,795.10	
12	BMW 5 სერია 2000 2.0 ბენზინი	34,861.20	
13	ბმვ 7 სერია 2009 5.0 ბენზინი	187,530.05	
14	ბმვ 7 სერია 2006 5.0 ბენზინი	150,083.50	
15	შევროლე ექსპრესი 4.3 2004	52,626.50	
16	CHEVROLET AVEO 1.2 ბენზინი 2008	59,776.45	
17	CHEVROLET EPICA 2.0 ბენზინი 2007	64,396.40	
18	ფოლცვაგენ ჯეტა 2.0 ბენზინი 2002	111,988.00	
19	ფორდ ცოურიერ 1.3 დიზელი 2000	28,806.00	
20	CHEVROLET LACETTI 1.6 BENZINI 2006	63,008.95	
21	mercedes benz e klaase 2.0 dizeli 1996	75,466.44	
22	მერსედესი ML 6.3 AMG BENZINI 2006	117,689.60	

23	mercedes-benz c-klass 1.8 ბენზინი 1993-1997	67,195.30
24	mercedes-benz c-klass 2.2 დიზელი 2000-2002	75,450.16
25	mercedes-benz c-klass 2.4 ბენზინი 2000-2002	72,240.64
26	mercedes-benz c-klass 2.8 ბენზინი 2008	99,396.09
27	mercedes-benz clk-klass 2.0 ბენზინი 2004	90,904.65
28	mercedes-benz clk-klass 3.2 ბენზინი 1998	76,362.08
29	mercedes-benz e-klass 3.5 ბენზინი 2005	93,812.64
30	mercedes-benz e-klass 2.4 ბენზინი 1998	71,981.36
31	mercedes-benz e-klass 3.2 ბენზინი 2000	76,361.50
32	mercedes-benz s-klass 6.0 ბენზინი 2006	118,013.60
33	მერსედეს ბენც გ- კლას 5.0 BENZINI 1999	43,172.00
34	მერსედესი ML 3.5 BENZINI 2006	106,437.60
35	MERSEDES-BENZ 4.0 დიზელი	98,301.50
36	ოპელი ასტრა 1.4 ბენზინი 1996	45,832.50
37	ოპელი ასტრა 1.6 ბენზინი 1991-1994	40,802.50
38	ოპელი ასტრა 1.8 ბენზინი 2007-2008	56,915.70
39	ოპელი ასტრა 2.2 ბენზინი 2001	46,532.50
40	ოპელ ვექტრა 1.8-2.0 ბენზინი 1990-1993 წ	43,952.98
41	ოპელ ვექტრა 2.2 ბენზინი 2007 წ	57,647.70
42	ოპელ ვექტრა 1.8 ბენზინი 2005-2006 წ	57,847.70
43	ოპელ ზაფირა 2.2 ბენზინი 2001 წ	55,861.78
44	peugeot 407 1.6 benzini	85,234.00
45	peugeot 308 1.6 benzini	85,234.00
46	SAMANDEL EL 1.8 BENZINI 2009	69,482.96
47	შკოდა რომსტერი (2009-2010)	115,861.65
48	uaz 31512; uaz 31519	5,781.00
49	ვაზ 2121 (1.7 1.6) ბენზინი (2005-2007) niva	9,615.50
50	ფოლცვაგენ ჯეტა 1.6 ბენზინი 2005-2010	122,332.61
51	ფოლცვაგენ პასატი (2.0-1.8) ბენზინი 2007-2010	153,283.50
52	ფოლცვაგენ პასატი 2.0 ბენზინი 2004	115,101.40

53	VOLKSWAGEN VENTO 1.8 BENZINI 1993	58,170.20	
54	VOLKSWAGEN GOLF 1.4 BENZINI 2004	85,604.00	
55	VOLKSWAGEN GOLF 2.0 BENZINI 2007	88,204.00	
56	VOLKSWAGEN GOLF 2.0 dizeli 2007	87,354.00	
57	ფოლცვაგენ ჯეტა 1.9 დიზელი 2001 წ	114,757.50	
58	ფოლცვაგენ ჯეტა 2.0 ბენზინი 2004-2008	122,332.30	

შენიშვნა:

- პრეტენდენტი ელექტრონული ვაჭრობისას წინადადების ფასის კლებას ახორციელებს პრეისკურანტის სავარაუდო ღირებულებასთან მიმართებაში. პრეისკურანტის სავარაუდო ღირებულება შეადგენს - **4 683 596** ლარს;
- სახელმწიფო შესყიდვის შესახებ ხელშეკრულება გაფორმდება - **350 000** (სამასორმოცდაათი ათასი) ლარზე;
- პრეტენდენტის სატენდერო წინადადება რომელშიც პოზიციების ფასი გადააჭარბებს შემსყიდველის მიერ განფასების ცხრილში დაფიქსირებულ პოზიციების სავარაუდო ფასს, არ ჩაითვლება მისაღებად, ასევე პრეტენდენტის მიერ სატენდერო წინადადებაში (განფასების ცხრილში) დაფიქსირებული პოზიციის ფასს არ უნდა აღემატებოდეს ვაჭრობის შემდეგ დაფიქსირებული პოზიციის ფასი;
- პრეტენდენტის მიერ ელექტრონული ვაჭრობის შედეგად პრეისკურანტის საერთო ფასის შემცირების შემთხვევაში, ფასთა კლება პროცენტულად და პროპორციულად უნდა აისახოს პრეისკურანტში მოცემული ჩამონათვალის ერთეულის ფასებზე, თუ ერთეულის ფასები დაჯდება მრავალნიშნა ათწილადად, პრეტენდენტი ვალდებულია აღნიშნული ფასები შეამციროს და დაამრგვალოს მეასედამდე, შესაბამისად შეამციროს პრეისკურანტის ჯამური ღირებულებაც;
- მიმწოდებლის მიერ განფასების ცხრილში მითითებული ფასები არის მაქსიმალური და ყოველ კონკრეტულ შემთხვევაში მომსახურება უნდა განხორციელდეს იმ დღისათვის არსებული საბაზრო ფასით, რომელიც შეიძლება იყოს ნაკლები განფასების ცხრილში არსებულ ერთეულის ფასებთან შედარებით და არ უნდა აღემატებოდეს განფასების ცხრილში არსებულ ერთეულის ფასებს.

2.2. ტექნიკური შესაძლებლობები:

- პრეტენდენტს უნდა გააჩნდეს ქ. თბილისში, აჭარისა და იმერეთის რეგიონში მოქმედი სერვისცენტრები. ქ. თბილისში ერთდროულად არანაკლებ 10 (ათი) ავტომანქანის მომსახურების საშუალებით, აჭარის და იმერეთის რეგიონში არანაკლებ 3 (სამი) ავტომანქანის მომსახურების საშუალებით. პრეტენდენტის სერვისცენტრები დაკომპლექტებული უნდა იყოს მაღალკვალიფიციური სპეციალისტებით და აღჭურვილი იყოს თანამედროვე აპარატურითა და დანადგარებით. ქ. თბილისში, არანაკლებ 10 (ათი) ავტო ამწე, (აქედან შემსყიდველისთვის ყოველთვის უნდა იყოს თავისუფალი მინიმუმ 3 ამწე, მომსახურების ოპერატიულად შესასრულებლად) აჭარისა და იმერეთის რეგიონში არანაკლებ 3 (სამი) ავტო ამწე, (აქედან შემსყიდველისთვის ყოველთვის უნდა იყოს თავისუფალი მინიმუმ 1 ამწე,

მომსახურების ოპერატიულად შესასრულებლად) დიაგნოსტიკის აპარატი, ზეთის შემცვლელი ბალონი, განშლადობის გასასწორებელი დანადგარი, ვულკანიზაციის დანადგარი, მრავის ამოსაღები ამწე);

- პრეტენდენტს უნდა გააჩნდეს გამართული სასაწყობო მეურნეობა პრეისკურანტით გათვალისწინებული ავტომანქანის მოდელებისათვის პირველადი ხარჯვადი სათადარიგო ნაწილების მინიმალური მარაგით;

- ავტომობილების მომსახურება გაწეული უნდა იქნას დაუყოვნებლივ, რიგგარეშე.

- ავტომობილის დაზიანებული ნაწილი უნდა შეიცვალოს ახალი (არა მეორადი) მაღალი ხარისხის სათადარიგო ნაწილით გარდა განფასების ცხრილში (პრეისკურანტში) გათვალისწინებული მეორადი სათადარიგო ნაწილისა, ახალი (არამეორადი) სათადარიგო ნაწილები უნდა იყოს წარმოებული წამყვანი კომპანიების მიერ და რეკომენდირებული უნდა იყოს შესაკეთებელი ავტოსატრანსპორტო საშუალების მოდელის მწარმოებელი კომპანიის მიერ;

- მიმწოდებლის მიერ გაწეულ მომსახურებასა და შეცვლილ სათადარიგო ნაწილებზე (ახალი, არამეორადი), შესაკეთებელ სათადარიგო და მეორად ნაწილებზე გარანტია უნდა ვრცელდებოდეს მინიმუმ 1 (ერთი) წლის განმავლობაში, გარდა სწრაფ ცვეთადი დეტალებისა და იმ შემთხვევისა, როდესაც დაზიანება გამოწვეულია არასწორი ექსპლუატაციით გამოწვეულ დაზიანებებზე;

- ავტომობილების მომსახურება უნდა განხორციელდეს მიმწოდებელსა და შემსყიდველს შორის თითოეულ კონკრეტულ შემთხვევაში დეფექტური აქტის შედგენის შემდეგ, რომელშიც მითითებული უნდა იყოს გასაწევი მომსახურების ან/და ასეთი მომსახურებისათვის საჭირო საქონლის (სათადარიგო ნაწილების) დეტალური აღწერა, აგრეთვე, მომსახურების დაწყებისა და დასრულების ვადები;

- მომსახურება უნდა განხორციელდეს (მექანიკური დაზიანების შემთხვევაში ერთი სამუშაო დღე, საშუალო სირთულის რემონტი ხუთი სამუშაო დღე, აგრეთვე ნაწილებზე ათი სამუშაო დღე, სათუნუქე-სამღებრო სამუშაოები ათი სამუშაო დღე, ხოლო დეფიციტური სათადარიგო ნაწილებით უზრუნველყოფა - არაუმეტეს ოცი კალენდარული დღე);

- თუ ხელშეკრულების დადების შემდეგ, ხელშეკრულების მოქმედების პერიოდში აღმოჩნდება, რომ პრეისკურანტში არ არსებობს რომელიმე სახის სათადარიგო ნაწილი/მომსახურება, აღნიშნულის სათადარიგო ნაწილი/მომსახურების ერთეულის ფასი მისი შესყიდვის აუცილებლობისას, დადგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით.

- პრეტენდენტმა ხელშეკრულების მოქმედების პერიოდში უნდა უზრუნველყოს შემსყიდველის წარმომადგენლისათვის თავისუფალი ფართის გამოყოფა.

- სერვისცენტრებში დაცული უნდა იყოს ჰიგიენური ნორმები.

2.3 შესყიდვის ობიექტის სავარაუდო ღირებულება:

2.3.1 შესყიდვის სავარაუდო ღირებულება შეადგენს: 4683596.00 (ოთხიმილიონექვსასოთხმოცდასამიათასხუთასოთხმოცდათექვსმეტი) ლარს.

2.3.2 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტს მოეთხოვება ფასწარმოქმნის ადეკვატურობის დასაბუთება, რისთვისაც შემსყიდველის მიერ განესაზღვრება არაუმეტეს 5 (ხუთი) სამუშაო დღე. ფასწარმოქმნის ადეკვატურობის დასაბუთება უნდა მოხდეს ექსპერტიზის დასკვნით, პრეტენდენტის მიერ გაფორმებული ხელშეკრულებით ან/და ანგარიშგაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

ამასთან, ფასწარმოქმნის ადეკვატურობის დასაბუთების წარუდგენლობა გამოიწვევს პრეტენდენტის დისკვალიფიკაციას „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული წესის მე-13 მუხლის მე-2 პუნქტის „ა” ქვეპუნქტის საფუძველზე, გარდა იმ შემთხვევისა, როდესაც სახეზეა ამ წესის მე-13 მუხლის მე-2 პუნქტის „ზ” ქვეპუნქტით გათვალისწინებული საფუძველი.

პრეტენდენტის მიერ წარდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

2.4 პრეტენდენტის გამოცდილება:

2.4.1 პრეტენდენტს 2013, 2014 და 2015 წლების განმავლობაში უნდა გააჩნდეს 1 000 000 (ერთი მილიონი) ლარის ანალოგიური მომსახურების გაწევის გამოცდილება.

2.5. გასაწევი მომსახურების სავალდებულო ვადები და პირობები:

2.5.1 მიმწოდებელმა უნდა უზრუნველყოს საქართველოს შს სამინისტროს ბალანზე რიცხული ავტოსატრანსპორტო საშუალებების ტექნიკური მომსახურება (საჭიროების მიხედვით ქ. თბილისში, აჭარის და იმერეთის რეგიონებში) ხელშეკრულების გაფორმებიდან 2016 წლის 31 დეკემბრის ჩათვლით, შემსყიდველის მოთხოვნის შესაბამისად.

2.6 სატენდერო წინადადების ფასი:

2.6.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.6.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

2.7 ანგარიშსწორების პირობები:

2.7.1 შემსყიდველი იღებს ვალდებულებას აუნაზღაუროს შემსრულებელს მომსახურების ღირებულება ეტაპობრივად, ყოველი კონკრეტული მომსახურების გაწევის შემდეგ კანონმდებლობის შესაბამისად ანაზღაურებისათვის საჭირო დოკუმენტაციის წარმოდგენიდან 20 კალენდარულ დღეში.

2.7.2 ანგარიშსწორების ფორმა - უნაღდო.

2.7.3 წინასწარი ანგარიშსწორება (ავანსი) არ განიხილება.

2.7.4 **დაფინანსების წყარო 2016 წლის სახელმწიფო ბიუჯეტი.**

2.8 პრეტენდენტის მიერ ერთიან ელექტრონულ სისტემაში ასატვირთი მონაცემები:

2.8.1 განფასების ცხრილები (პრეისკურანტები) დანართი N1-ის მიხედვით, რომლებშიც მითითებული ფასები არ უნდა აღემატებოდეს შემსყიდველის მიერ განსაფასებელ ცხრილებში (პრეისკურანტებში) თითოეულ პოზიციაზე მითითებულ სავარაუდო მაქსიმალურ ერთეულის ფასებს;

2.8.2 რეკვიზიტები დანართი N2-ის მიხედვით;

2.8.3 ინფორმაცია ტექნიკური შესაძლებლობების შესახებ - ინფრასტრუქტურის და შრომითი რესურსების გათვალისწინებით (თანახმად ტექნიკური დავალებისა);

2.8.4 ინფორმაცია 2013, 2014 და 2015 წლების განმავლობაში ანალოგიური მომსახურების გაწევის შესახებ (შესყიდვების ერთიან ელექტრონულ სისტემაში ატვირთული უნდა იყოს ანალოგიური მომსახურების დამადასტურებელი დოკუმენტები (ხელშეკრულებები შესაბამისი მიღება-ჩაბარებების აქტებით ან/და სხვა დოკუმენტები), რომელთა ჯამური ღირებულება უნდა შეადგენდეს არანაკლებ 1 000 000 (ერთი მილიონი) ლარს;

2.8.5 ინფორმაცია შეცვლილი სათადარიგო ნაწილების (ახალი, არამეორადი) საგარანტიო ვადების შესახებ;

2.8.6 ინფორმაცია შესაკეთებელი და მეორადი სათადარიგო ნაწილების საგარანტიო ვადების შესახებ.

2.9 ხელშეკრულების უზრუნველყოფის საბანკო გარანტია:

2.9.1 ტენდერში გამოყენებული იქნება ხელშეკრულების შესრულების უზრუნველყოფის საბანკო გარანტია, ხელშეკრულების საერთო ღირებულების 5%-ს ოდენობით.

2.9.2 ხელშეკრულების შესრულების უზრუნველყოფის საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას;

2.10 გამარჯვების შემთხვევაში პრეტენდენტის საკვალიფიკაციო მონაცემები უნდა შეიცავდეს შემდეგ დოკუმენტებს:

2.10.1 ამონაწერი მეწარმეთა და არასამეწარმეო (არაკომერციული იურიდიული პირების რეესტრიდან (ფიზიკური პირების გარდა);

2.10.2 ცნობა შესყიდვაში მონაწილეობის მსურველი პირის საჯაროსამართლებრივი შეზღუდვის არარსებობის შესახებ (საჯარო რეესტრის ეროვნული სააგენტოდან);

2.10.3 ცნობა შესაბამისი უწყებიდან (შესაბამისი სასამართლოდან), რომ არ მიმდინარეობს გადახდისუუნარობის საქმის წარმოება (ფიზიკური პირების გარდა);

2.10.4 პირადობის მოწმობის ასლი (ფიზიკური პირის შემთხვევაში).

- ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავჯდომარის 2011 წლის 07 აპრილის N9 ბრძანების შესაბამისად მე-2 მუხლის პირველი პუნქტის „ლ” ქვეპუნქტით გათვალისწინებული ეტაპის დაწყების შემდეგ.

- პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების პრეტენდენტის მიერ წარმოუდგენლობის ან/და ხარვეზის მქონე მონაცემების წარმოდგენის შემთხვევაში სატენდერო კომისია მოახდენს პრეტენდენტის დისკვალიფიკაციას.

2.11 დამატებითი ინფორმაცია:

2.11.1 პრეტენდენტს არ აქვს უფლება წარმოადგინოს ალტერნატიული სატენდერო წინადადება.

ხელშეკრულება N ____
სახელმწიფო შესყიდვის შესახებ
(ელექტრონული ტენდერი SPA -----)

პროექტი

ქ. თბილისი

“ ____ “ _____ ” 2015 წ.

საქართველოს შინაგან საქმეთა სამინისტრო (მის: ქ. თბილისი, გია გულუას ქუჩა №8, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204383176), შემდგომში წოდებული „შემსყიდველად“, წარმოდგენილი ეკონომიკური დეპარტამენტის დირექტორის ----- სახით და მიმწოდებელი: XXXX

მისამართი, ტელეფონი: XXXXXX

დირექტორი: XXXXXX

საბანკო რეკვიზიტები: სს „XXX“ ბანკის კოდი: XXX ანგ. ანგარიში: XXX

ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვების შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს მომსახურებას ამ ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით განსაზღვრული ხელშეკრულების საგანი.

1.7 „ტექნიკური დოკუმენტაცია“ – მიმწოდებლის მიერ **SPA**----- ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2. ხელშეკრულების საგანი

შინაგან საქმეთა სამინისტროს ბალანსზე რიცხული ავტოსატრანსპორტო საშუალებების ტექნიკური მომსახურების შესყიდვა თანამდევი სათადარიგო ნაწილებით, დანართი N1-ის (პრეისკურანტის) შესაბამისად. (CPV 50100000)

3. ხელშეკრულების ღირებულება

3.1 ხელშეკრულების ღირებულება შეადგენს (-----) ლარს.

3.2 ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. გაწეული მომსახურების ხარისხი და გარანტია.

4.1. გაწეული მომსახურების ხარისხი უნდა შეესაბამებოდეს დადგენილ სტანდარტებს.

4.2. გარანტია მიმწოდებლის მიერ გაწეულ მომსახურებაზე ან/და ამ ხელშეკრულებით გათვალისწინებული მომსახურების გაწევის დროს გამოყენებულ სათადარიგო ნაწილებზე, (ახალი, არამეორადი) ვრცელდება შესაბამისი მიღება-ჩაბარების აქტის გაფორმებიდან **არანაკლებ 1 (ერთი) წლის განმავლობაში**.

4.3 ამ მუხლის 4.2 პუნქტით გათვალისწინებული საგარანტიო მომსახურების პირობები არ ვრცელდება ექსპლუატაციის წესების დარღვევით, გარეგანი ზემოქმედების შედეგად მიყენებულ ზიანზე.

5. მხარეთა ვალდებულებები

5.1. მიმწოდებელი ვალდებულია:

ა) უზრუნველყოს წინამდებარე ხელშეკრულებით გათვალისწინებული მომსახურების გაწევა 2016 წლის 05 იანვრიდან 2016 წლის 31 დეკემბრის ჩათვლით, შემსყიდველის მოთხოვნის შესაბამისად;

ბ) შემსყიდველის ავტომანქანის მომსახურებას მიაწოდოს პრიორიტეტი, რაც გულისხმობს მათ რიგგარეშე და დაუყოვნებლივ მომსახურებას;

გ) შემსყიდველის მიმართვისთანავე, მაგრამ არაუგვიანეს მომდევნო დღისა ჩაატაროს ავტომობილების დათვალიერება და წარუდგინოს შესყიდველს დეტალური აქტი ხელმოსაწერად, რომელშიც აღნიშნული იქნება მომსახურების გაწევის ვადა (მექანიკური დაზიანების შემთხვევაში ერთი სამუშაო დღე, საშვალო სირთულის რემონტი ხუთი სამუშაო დღე, აგრეგატულ ნაწილებზე ათი სამუშაო დღე, სათუნუქე-სამღებრო სამუშაოები ათი სამუშაო დღე, ხოლო დეფიციტური სათადარიგო ნაწილებით უზრუნველყოფა - არაუმეტეს ოცი კალენდარული დღე);

დ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

ე) მომსახურების დასრულებისთანავე გადასცეს შემსყიდველს ავტომატურად;

ვ) უზრუნველყოს ხელშეკრულებით გათვალისწინებული სხვა ვალდებულებების განხორციელება.

5.2. შემსყიდველი ვალდებულია:

ა) უზრუნველყოს გაწეული მომსახურების ინსპექტირება და დადებითი შეფასების შემთხვევაში მისი მიღება;

ბ) უზრუნველყოს ხელშეკრულებით გათვალისწინებული სხვა ვალდებულებების განხორციელება.

6 ხელშეკრულების შესრულების კონტროლი და მომსახურების მიღება-ჩაბარების წესი

6.1 შემსყიდველის მიერ მომსახურების გაწევის ვადების, ხარისხისა და მოცულობის ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების მთელი პერიოდის განმავლობაში შემსყიდველის მოთხოვნათა შესაბამისად.

6.2 ხელშეკრულების პირობების შესრულების კონტროლს განხორციელებს შსს -----

6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება უხარისხოდ გაწეული მომსახურება, მიმწოდებელი ვალდებულია წერილობითი შეტყობინებიდან 3 (სამი) დღის განმავლობაში გამოასწოროს წუნი ან თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება, დაუბრუნოს შემსყიდველს აღნიშნული მომსახურების ღირებულება.

6.4 თუ ამ მუხლის 6.3 პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

6.5 შემსყიდველი უფლებამოსილია განაცხადოს უარი უხარისხო (წუნდებული) ან დაგვიანებით გაწეული მომსახურების ნაწილის ან მთლიანი მოცულობის მიღებაზე.

6.6 მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

6.7 ამ მუხლის 6.2 პუნქტში მითითებული პირ(ებ)ის მიერ მიღება-ჩაბარების აქტის ხელმოწერით, მომსახურების მიღებასთან ერთად დასტურდება ხელშეკრულების შესრულების კონტროლის განხორციელება.

6.8 იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

7. მომსახურების მიღება-ჩაბარების წესი

7.1 გაწეული მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელისმოწერით წარმოდგენილი დეფექტური აქტების, მომსახურების გაწევის აქტების და ინსპექტირების განმახორციელებელი პირის დადებითი დასკვნის საფუძველზე.

7.2 იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

7.3 მომსახურების მიღებას აწარმოებს შსს მატერიალურ-ტექნიკური უზრუნველყოფის მთავარი სამმართველოს ტრანსპორტის სამმართველოს შესაბამისი უფლებამოსილი პირ(ებ)ი.

8. ანგარიშსწორება

8.1. ანგარიშსწორების ვალუტა – ლარი;

8.2 ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.3 შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება წინამდებარე ხელშეკრულების ღირებულების ფარგლებში, მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან **20 (ოცი)** დღის განმავლობაში, თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

8.4 ანგარიშსწორება განხორციელდება წინამდებარე ხელშეკრულების 8.3 პუნქტით გათვალისწინებულ დოკუმენტებში მითითებული ოდენობის პროპორციულად.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზის შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-13 მუხლის შესაბამისად.

10. ხელშეკრულების პირობების შეუსრულებლობა

10.1 წინამდებარე ხელშეკრულების 5.1 პუნქტის „გ“ ქვეპუნქტით გათვალისწინებული მომსახურების გაწევის ვადის გადაცდენის შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო გასაწევი მომსახურების ან/და სათადარიგო ნაწილის ღირებულების **0.2%** ოდენობით.

10.2 წინამდებარე ხელშეკრულების 6.3 პუნქტით გათვალისწინებული პირობების დარღვევის შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო წუნდებული მომსახურების ან/და სათადარიგო ნაწილების ღირებულების **0.2%** ოდენობით.

10.3 პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულების შესრულების გარანტია

11.1 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების **5%-იანი** საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიაღწევა შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.

11.2 ხელშეკრულების შესრულების უზრუნველყოფის საბანკო გარანტიის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების 15.1 პუნქტით განსაზღვრული ხელშეკრულების მოქმედების ვადას.

11.3 იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, ხელშეკრულების შესრულების უზრუნველყოფის საბანკო გარანტია უბრუნდება მიმწოდებელს მოთხოვნისთანავე.

12. ხელშეკრულების შეწყვეტა

12.1 შემსყიდველი უფლებამოსილია ხელშეკრულების ნებისმიერ ეტაპზე მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში, რის შესახებაც შემსყიდველი წერილობით აცნობებს მიმწოდებელს.

12.2 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

12.3 ხელშეკრულების ცალკეული პირობების მოქმედების შეწყვეტა არ ანთავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13. ხელშეკრულებაში ცვლილებების შეტანა

13.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

13.2 თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

14. დავების გადაწყვეტა

14.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

14.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

15. ხელშეკრულების მოქმედების ვადა

15.1 წინამდებარე ხელშეკრულება ძალაში შედის ამ დოკუმენტის თავში მითითებულ თარიღიდან და მოქმედებს **2017 წლის 31 იანვრის ჩათვლით**, გარდა მე-4, მე-6 მუხლებისა და 10.2 პუნქტისა.

15.2 წინამდებარე ხელშეკრულების მე-4, მე-6 მუხლები და 10.2 პუნქტი მოქმედებენ ამ ხელშეკრულების 4.2 პუნქტით განსაზღვრული ვადით.

16. ფორს-მაჟორი

16.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

16.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

17. სხვა პირობები

17.1 მომსახურების გაწევის დროს, მიღება-ჩაბარების აქტის ხელმოწერამდე, ყველა რისკი ავტომატურად მიყენებულ ზიანზე ეკისრება მიმწოდებელს.

17.2 ხელშეკრულება შედგენილია სამი თანაბარი იურიდიული ძალის მქონე ეგზემპლარად. ხელშეკრულების ერთი ეგზემპლარი გადაეცემა მიმწოდებელს, ხოლო ორი შემსყიდველს.

17.3 ამ ხელშეკრულების დანართი №1 წარმოადგენს მის განუყოფელ ნაწილს.

18 მხარეთა რეკვიზიტები:

შემსყიდველი

მიმწოდებელი

დანართი N2

1. პრეტენდენტის იურიდიული ფორმის დასახელება;

ხელმძღვანელის სახელი და გვარი;

პრეტენდენტის იურიდიული ან/და ფაქტიური მისამართი;

საიდენტიფიკაციო კოდი;

ბანკის კოდი;

ანგარიშის ნომერი;

პრეტენდენტის ტელეფონის ნომერი;

ელექტრონული მისამართი;

პრეტენდენტის ხელმოწერა და ბეჭედი.